

## **Bemba - Ipusukilo Malembo Yamushilo - Salvation Scriptures**

**Efeso 2:2 Pantu mu bumi bwenu mwalekonkelela imisango iyabipa iya pano calo. Mwalenakila na kateeka wa bufumu bwa mu Iwelele, Ciwa uo na nombaline acili alebomba mu bantu abashipetamina Lesa.**

**Mateo 6:10 Ubufumu bobe bwise, ubufwayo bobe bulecitika, pano calo nga mu mulu.**

**Luka 22:42 “Tata, nga ulefwaya mpokololako kuli ubu bucushi. Lelo ifyo ine ndefwaya tefyo, kano ifyo iwe ulefwaya.”**

**Yoani 16:7-9 Kanshi ndemweba icine cine ukuti cikamuwamina nga naya.**

**Pantu nga nshile, ninshi Kafwa takese kuli imwe. Lelo nga naya, ninshi nkaya mutuma kuli imwe. 8 Nomba ilyo akesa, akesa shinina abantu ba pano calo ifyo baluba pa mulandu wa bubifi, na pa mulandu wakucita ifyo Lesa afwaya, na pa mulandu wa bupingushi. 9 Pa mulandu wa bubifi, pantu balikaana ukunsumina.**

**2 Timote 2:10 Kanshi eico ndashipikisha ukucula muli fyonse pa mulandu wa basalwa bakwa Lesa, epakuti nabo bamone ukushukila ukupusuka ukufuma kuli Kristu Yesu, elyo nako kuleta ubucindami bwape.**

**Roma 15:20,21 Eico mfwaishafye kubila Imbila Nsuma mu ncende umo bashilaishiba Kristu. Pantu mukucita ifi, ninshi lyena nshilekuula apo bambi baimba umufula. 21 Efyo calembwa ukuti, “Abantu abo bashatala abebwa pali Lesa, bakamumona, na bantu abashatala abamumfwapo, bakamwishiha.”**

**Imilimo 2:36,37 “Kanshi abena Israeli bonse bashininkishe ukuti uyu Yesu, uo mwatanike, eo Lesa acita Imfumu kabili Kristu!” 37 Cilya abantu baumfwa ifyo Petelo alanda, imitima yabo yabilimuka. Balaipusha Petelo na basole bambi abati, “Bamunyinefwe, bushe tuli nokucita shani?”**

**Hebreus 4:2 Pantu na ifwe twalyumfwa Imbila Nsuma, nga filya fine nabo baumfwile. Balyumfwile amashiwi ya Mbila, lelo tayababombele nelyo cimo, pantu nangu baumfwile, tabaipokelele ne cisumino.**

**Yeremia 24:7 Ine nkabapeela umutima wakwishiha ukuti nine Yawe. Elyo nabo bakaba abantu abandifye, na ine nkaba Lesa uwabofye, pantu bakabwelela kuli ine no mutima wabo onse.**

**Imilimo 16:14 Kanshi umwanakashi umo pali abo baleumfwako, ni Ludia, umwina Tiatila, kashitisha wa nsalu ishakashikila. Uyu mwanakashi alepepa Lesa. Imfumu yamunasha umutima, pakuti apokelele amashiwi Paulo alesosa.**

**Mateo 13:14,15 Kanshi ni kuli aba bantu fyafikilishiwa ifyo kasesema Esaya aseseme ati, “Ukumfwa mwakulaumfwa lelo tamwaleiluka. Ukulolesha mwakulalolesha, lelo tamwalemona. 15 Pantu imitima ya aba bantu yalikutwa. Na matwi yabo tayomfwa bwino, balishibatika na meno yabo. Epali baimwena na meno yabo, bayumfwila na matwi yabo, bailuka na mu mitima yabo, kibili bapilibukila kuli ine, na ine nabondapa.’**

**Esaya 6:9,10 Kanshi nao epakuntuma ati, “Kebe aba bantu utile, “Nangu mwakulakutika shani, awe tamwakulatesha uko cilolele. Nangu mwakulalolesha shani, awe tamwakeshibepo kantu.’ 10 Leka abo bantu babe ne mitima iyakutwa, ubakomye na matwi, ubafimbe na pa meno. Epali baimwena na meno yabo, bayumfwila na matwi yabo, bailuka na mu mitima yabo, kibili bapilibukila kuli ine, no kupola bapola.”**

**Mako 4:11,12 Yesu abasuka ati, “Imwe mwalipeelwa ukumfwa inkaama sha Bufumu bwakwa Lesa, lelo ku ba kunse, fyonse bali nokufyumfwila mu milumbe. 12 Pakuti, “Ukulolesha nangu baloleshe, lelo bemona iyoo. Kibili ukumfwa nangu bomfwe lelo beiluka, epali bapilibukila kuli Lesa no kubelwelwa uluse.’ ”**

**Yoani 12:39,40 Na cine tekuti basumine, pantu kasesema Esaya atila nokuti, 40 “Lesa alibapofwisha amenso yabo, alenga ne mitima yabo ukumalala. Epali baimwena na meno yabo, no kwiluka na mu mitima yabo. Epali bayalukila kuli ine, na ine nabondapa.”**

**Roma 11:7,8 Kanshi caba shani? Abena Israeli tabasangile ico balefwaya. Abasangile ico balefwaya bantufye banono abo Lesa asalile. Bambi bena, Lesa alekele ukuti bomalale imitima. 8 Efyo calembwa ukuti, “Lesa abaleka ukuba ne mitima iyakutwa, ukufika na lelo amenso yabo tayamona, na matwi yabo tayomfwa.”**

**2 Tesalonika 2:10,11 Akabomfyia imisango iyalekana lekana pakubepaika abakaba nokulobeleta. Bakalobeleta, pantu bakeene ukupokelela icishinka no kucitemwa pakuti bengapusuka. 11 Eico Lesa akabatumina amaka yakubafulunganya, ayakubalenga ukusumina ifyabufi.**

**Mateo 13:18-23 “Kanshi imwe umfweni umwalola umulumbe wakwa katanda wa mbuto. 19 Imbuto ishaponene mumbali ya nshila, e muntu onse uumfwa ishiwi lya Bufumu bwakwa Lesa, nomba tomfwile umo lilolele. Awe na Ciwa aisa senda icatandilwe mu mutima wakwe. 20 Elyo ne shaponene mu mushili wa nsakalabwe, e muntu uumfwa ishiwi, apopene alipokelela ne nsansa. 21 Nomba lyaikalalamofye akashita kanono, ico lyafilwa ukwanda imishila. Kanshi ilyo paisa ubwafya nangu amacushi pa mulandu we shiwi, awe bwangu bwangu anenuka. 22**

**Ishaponene mu myunga, e muntu uumfwa ishiwi, nomba isakamika lya fya pano calo, no mukonkelelo wa fyuma, fyatusha ishiwi lyafilwa no kutwala ifitwalo. 23 Lelo ishaponene mu mushili usuma, e muntu uumfwa ishiwi, ailuka no kwiluka. Epakutwala ifisabo apa umwanda umo (100), pambi amakumi mutanda (60) na pambi amakumi yatatu (30).”**

**2 Kolinti 3:15,16 Ukufikafye na lelo, Iyonse ilyo babelenga Amafunde yakwa Mose, imitima yabo ibafye iyakupwa ne nsalu. 16Lelo insalu ilafimbulwapo ilyo umuntu ayalukila ku Mfumu.**

**Esaya 30:28 Pakwisa Lesa natuma umwela uuleisa nge Iyeshi lya menshi ayakuti yafika na mu mukoshi. Nao ulekumbulula imishobo ya benafyalo ngo kusensa kwa ku lupe, akabakobeka ne ntambo yakubafulunganya nga ilya bakaka punda.**

**Hosea 11:3-7 Kwena nine nalangilile abena Efulemu ukwamba ukwenda, nine nalebalela, lelo bena tabaishibe ukuti nine nalebaposha. 4 Nalebatungulula ku fikakilo fyaluse, na ku myando ya citemwiko, nine nafumishe ikoli mu mikoshi yabo, no kubasunga nine mbasunga. 5 “Bakabwelela ku calo ca Egupto, bakateekwa ne calo ca Asiria, pantu balikaana ukubwelela kuli ine. 6 Mu misumba yabo mukaba inkondo, iyikonaula ifishimbi fya pa mpologo ishabamo, no kubonaula pa bubi bwa mapange yabo. 7 Abantu bandi balikonewa mukufwaya ukuntaluka eico balipeelwa kwikoli. Kanshi nangu bengapepa shani kuli ine tekuti mbakakule ikoli iyoo.**

**Imilimo 26:18 Uli nokuya bashibatula amenso, kubafumya mu mfifi no kubaleta ku lubuuto. Ukabafumya mu minwe yakwa Satana, nokubaleta kuli Lesa. Pakuti nga basumina muli ine, bakabelelwe uluse ku fyabubifi fyabo. Elyo bakashukile no kwikala pamo nabo Lesa aisangulwila.**

**2 Timote 2:24-26 Umusha wa Mfumu wena tafwile kulaumana na bantu. Afwile ukuba uwamutembo kuli bonse, kafundisha umusuma kibili uwamutekatima. 25 Ali nokuba no mutembo mukwalulula abantu abalekanya ifyo alebeba. Pantu limbi cuti Lesa abalenga ukulapila, basuka baishiba icishinka. 26 Awe Iyena elyo amano yakabwela, bakapusuke na ku citeyo cakwa Ciwa umo abekete no kulakonka ifyo alefwaya.**

**Ubusokololo 3:17-19 Iwe ulesosa auti, ‘Ndi mukankala, ndi ne fyuma, nshikabila nelyo cimo.’ Lelo iwe tawaishiba ukuti uli mulanda wine wine, uwakulangulukilakofye, uli mupina, uli mpofu, kibili wendafye ubwamba. 18 Kanshi ndekupandako amano. Shita kuli ine golide uwaengululwa mwilungu lya mulilo, Iyena uleba umukankala. Ushite ne nsalu ishabuuta, ulefwala pakuti insoni shakwenda ubwamba shipwe. Shita no**

**muti wakubika mu meno, pakuti ulemona. 19 Bonse abantu abo natemwa ndabakalipila no kubalulula. Kanshi kalabana lapila no kupilibuka.**

**2 Kolinti 7:10 Pantu ubulanda ubo Lesa afwaya bulalenga ukulapila no kupilibuka, elyo ici naco cilenga ukupusuka. Kanshi pali ici tapali cakulangulukapo. Lelo ubulanda bwa muno calo bwena bualeta imfwa.**

**1 Ishamfumu 18:37 Unjasuke we Yawe, unjasuke, pakuti abantu aba beshibe ukuti we Yawe niwe Lesa, kibili nokuti walabwesha imitima yabo kuli iwe we mwine.**

**2 Kolinti 4:4 Ico bashasuminina, nico Ciwa, lesa we sonde lino abateeka mu mfifi. Abateeka mu mfifi pakuti bemonia ulubuuto ulwabasanikila ulwa Mbila Nsuma ya bucindami bwakwa Kristu. Uyu Kristu ewaba icine cine icata cakwa Lesa.**

**Luka 8:11-15 “Kanshi umu emulolele uyu mulumbe. Imbuto lishiwi lyakwa Lesa. 12 Imbuto shaponene mumbali ya nshila e bantu abomfwa ishiwi lyakwa Lesa. Elyo Ciwa aisa, nao afumya ishiwi mu mitima yabo, pakuti besumina, bemonia ukupusuka. 13 Ishaponene mu mushili wa nsakalabwe, e bantu abomfwa ishiwi, balipokelela ne nsansa. Nomba ico lyafilwa ukwanda imishila, basuminafye pa kashita akanono. Ilyo kwaisa intunko, banenuka. 14 Ishaponene mu myunga, e bantu abomfwa ishiwi, lelo umuila inshiku, isakamika, ifyuma no bwangashi bwa pano calo fyatusha ishiwi, lyafilwa no kutwala ifitwalo. 15 Nomba ishaponene mu mushili usuma, e bantu abomfwa ishiwi lyakwa Lesa no kulisunga ne mitima isuma, mu bufumacumi. Balemenena mwishiwi no kuibkilishapo basuka batwala ifitwalo.**

**Imilimo 15:11 Awe iyoo! Na ifwe bene pamo nga basambi, cikuuku ca Mifumu Yesu ecitupususha ilyo twamusumina.**

**Roma 8:13 Pantu nga mwalakonkelela ifyabuntunse mukafwa. Lelo ku maka yakwa Mupashi nga mwaleka lufwe ulunkumbwa lubi, awe lyena mukaba abomi.**